

COII
OR.

1524
1557
1565

8
41



7.
Eynn Schoner Sendthrief
des wolgebornen und Edlen
herm Johanssen/Herin zu Schwarzenberg / An Bischoff
zu Bamberg außgangen / Darinn er trefflicher vnd
Christenliche vsachen anzeyht/woye vnd warumb
ehr seyn Tochter auß dem Closter daselbst
(zum Heyligen Grab genant) hin
weg gefürt / Vñ wider vnter
sein vatterlichen schutz
vnd oberhande
zu sich genomen hab.

Ein vorred darin die Munch
phres zukunfftigen un-
tergangs erinnert, vnd erstlich ges
warnet werden.

Andreas Siander.
Rucenberg.

Anno. M. D. XX iiii.

Faint, illegible text, likely bleed-through from the reverse side of the page. The text is arranged in several lines and appears to be in a historical script, possibly Gothic or similar. The ink is very light and difficult to discern against the aged paper.



Allen und yeden fromē Chri

sten Wünscht Andreas Osiander Prediger bey S. Lorenzē
zu Nürnberg Gnad Frid vnd Barmhertzigkeyt/von Got
dem vatter vnd von Jesu Christo vnserm herren.

A S ist on zweyfel wenig

kllich vnuerporigen. Wye das vnter allen feynden
des Götlichen worts/so zu dyesen vnsern zeyten auß besōns
der Gottes güte vnd gnaden / klärlich herfur pricht vnd an
tag kombt / kein hauff / trüglicher vnd hochmütiger wyders
stand thut/den die Tyrannischē Pettel munch. Welche doch
billich für allen andern stenden dasselbig treulich leren/Vnd
wo es not würd/Leib vñ leben darob solten lassen. Darümb
d3 sie nicht allein/durch dasselbig allerheyligst Gottes wort/
wie alle andere menschen erstlich erschaffen / nachmals von
sünd vnd tod erledigt.sōnder auch/ das selbig emsiglich zū
erforschen/Jnn aller faulheyt vnd Müßigeung/so reychlich
zu grossen nachteyl der andern armen Christen/bis hieher er
halte seyn worden. Welches etlich meiner besōnder liebē herrn
vnd Brüdere in Christo gesehen vñ zu hertzen genommen / mich
zum dickern mal gefragt habē. Warum wir das vngötlich
kloster lebē nicht auch/wie andere mispreuch/durch die krate
des Götlichen worts ab zūthun vñ auß zūtilgen vns bemü
hen. Angesehen das sie durch yhr vnuerschembt falsch predi
gen souiel eynfeltiger leut verführen/Den hab ich allzeyt geantz
wort/Ich wisse vnd sey des gewiß/das sie ein solchs leben fū
ren / Wann es nur offenbar werde so sey es gewyßlich schon
in aller welt mit in auß. Aber solche offenbarung kōn vnd
möge durch mich vnd meynes gleychen nicht wol geschehen
Dan es sey als zu überschwencklich vnglaublich/vnd wurde
bey vielen darfür gehalten werden als hetten wyr es auß neyd
auff sie erdichtet/Darauf dan nicht alleyn vnseren personen/
sōnd auch dem wort Gottes grosse nachred enstehen möche.

A ij Es sollen

Es sollen aber vñ werden gewißlich/die jenigen so durch gottes wort erleuchtet/wid vñ in herauß lauffen disen krieg führen vñ sein ein end machen. Welches sie zwar selbs wol mercken/darüb sie auch also toben vñ wüten/wo in eyner entlaufft/dz sie doch on zweyfel nicht auß Christenlicher lyeb/sönder auß menschlicher forcht/auff das nicht jr gotloß wesen/der welt/durch die abtrünnigē offenbar werde/sürnemē. Den die Christenlich lieb die strafft/leeret/tröstet pessert vñ bawet. Sie aber stöckē vñ plöckē/lassen sy in/gefengnis erfrieren vñ hungers sterbē. Auff das sich ia die andn daran stossen vñ keiner auß tret. Aber wie man sich hilfft es doch nicht/sönd gottes wort macht jr anschlege zunichte/vñ wirt sie auch entlich gar zu nichte machen/Amen. Auff das aber yr vntergang nicht vñ uersehens hereyn fall/sönder sie mit bedachten muet guttem wissen/vñ mit offnen vnd sehenden augen zutrümmern gehen. Wil ich in kürtzlich anzeigen/woz wir für ein krieg mit in angefangē haben/vñ wie er ein außgang wert nemen/den er ist im buch der Richter am. xix. vñ. xx. Capiteln auß 3 massen schön in eyner figur abgepilget/hie helt sich s kürtzlich also.

Eyn Leuitisch man von Ephraim nam eyn keßweyb von Bethlehem/die huret vnd lieff von im zu ihrem vater/er holet sie wider/aber der vatter hielt sie auff biß an sechsten tag/vñ da sie sich auffmachten kamen sie gen Gibeā der kinder Ben Jamin/das nachts aber/kamen kinder Belial/puchten an d herberg vnd forderten die gest mit gewalt herauß/schenlich mit in zuhandeln/also das der Leuit sein keßweib hinauß geben must/mit der sie jr vnzucht dye ganzen nach triben/des morgens fand er sie tod vor der thür/vnd furet sie heym/zereyelt sie in 3 wölff stück/vñ schickets den 3 wölff geschlechtern der kinder Israel/auff das solches übel gestrafft würt. Man forderet die das übel gethon hetten/das man sie tödet/Aber dye von Gibeā wolten nicht dargeben sonder vertheydigen/vnd fiel in zu das ganz geschlecht Ben Jamin xxvi. tausend streitbar man/vñ warn zu Gibeā auch vij. hundert streitbar man vnd vnter den allen vij. hundert linck/geschickt mit der
schlendes

schleuder/eyn har zu treffen. Aber der kinder Israel/die wider
Gibea wolten streyten warn viermal hundert tausent mann
Got hieß die kinder Israel streiten/vñ Juda solt den krieg an
sahen. Aber die kinder Ben Jamin fielen auß Gibea vñ schlu
gen von Israel xxij. tausent man/Got heysß sie wider streitten
Aber die von Gibea fielen wider her auß vñ schlugen xvij.
tausent von Israel/Got hieß sie zum dritten mal streiten/vñ
verhieß in/er wolts in yre hend geben/da machten sie eyn hina
terhut/vñ die von Gebia fielen wider her auß/die hinterhut
aber zunde die Stat an/vñ wurden die von Gibea hinten vñ
vornen angriffen/vñ al erschlagen/biß an vj. hundert die flo
hen/vñ enthielten sich iij. manat/in dem fels Rimon ic. Das
ist je ein erschrocklich geschicht wie wol ichs mit kurtzē wort
ten erzelt hab/aber noch erschrocklicher ist yr bedeutung / dye
wollen wir auch sehen.

Das gantz geschlecht Leuit
mit seynem Priesterthum bedeut vns Christum den herren der
ein ewiger priester ist got hats in geschworn vñ wirt in nicht
rewen Psal. cix. vñ Hebr. v. vi. vñ vij. Er ist aber nicht allein
ein priester/sond auch kōnig über seyn volck. Psal. 2. Ich hab
mein kōnig eingesetzt auff mein heiligē berg zion. Ich wil vñ
dem gscharz predigen das der herz zu mir gesagt hat / du bist
mein Sūn/heut hab ich dich gezeuget ic. vñ regirt das volck
mit dem scepter seynes worts dz da tōdet im gesetz/vñ macht
wider lebendig im Euāgelio/darūb spucht David weiter an
2. Psal. du solt sy mit dem Eysnen scepter zerschlagen/vñ als
eines hafners gefess/solt du sie zerschmeissen/vñ Psal. cix. Der
herr wirt dye ruten deyner sterck auffenden von zion/hersche
vnter deinen feinden/vñ Esaias. 2. Von zion wirt ausgehen
das gesetz/vñ gottes wort von Jerusalem. Es ist auch über
das alles der recht einig gespons vñ breutgam/der ime selbs/
die gantzen Christenheit/das ist/alle glaubige seelen vermehelt
hat/wie Johā. 3. gesagt ist/wer die Braut hat/der ist der breut
gam ic. vñ 2. Corin. 11. Ich hab euch vermehelt eynem man/
das ich Christo ein reine iunckfrawen zu brecht/vñ Canti. vi.
Sechzig sein d kōnigin, vñ 60. der kessweiber/aber der jungē
A iij meydlein

meydlein ist kein zal/Also ist der herr Christus Priester König/
vnd Brutigam / Bedeut durch den Levitischen mann von
Ephraim / vnd hat yhm vermehelt die ganzen Christenheyt.
darin sein etlich Königin/das sein die so im glaubē nun starck
seynt worden/vnd yhre leib vmb des wort Gottes willen zum
heyligen opffer/in allerley leyden dargeben Rom. xij. dye nenn
net der heylig Petrus. j. Petri. ij. eyn Königlich püesterthumb.
Etlich aber sein keßweyber/das sein/die im glauben angefan
gen habē/aber noch mit lyeb vñ vertrauen an den Creaturen
hängen/vñ sich dem eynigen Brutigam Christo/noch nicht
genglich ergeben haben. Etlich aber seyn iunge meydleyn/dz
ist/Die Christum noch nit erkandt haben / Sönder fahen erst
an zu lernen / von dem selben spricht. Can. j. Deyn name (das
ist das Euangelion das man von dir predigt) ist eyn außge
schüttetes öle. Darumb lieben dich die meydlein. Nun hat Chri
stus vnser Levit vñ oberster püester/nicht alleyn Königyn/
vnd meidleyn. sönder auch keßweyber jm vermehelt/das selz
big keßweyß/das huret. Zurerey aber in der heyligen schrifft
heyst/wen eyn mensch seyn vertrauen vñ seyn lyeb durch fala
sche menschen leer von Gott auff die Creatur oder eygne ge
rechtigkeit abwendet. Wie Ezech. am. xvj. vnd Osee am. j.
klärlich angezeygt wirt. Darumb laufft dises keßweyß heim
zu yhren vatter/das ist / nach dem sie yhren glauben vnd yhr
lieb von Christo dem eynichen gemahel abgewendet / vñ also
gehurt hat wendet sie beyde ir vertrauen vñ lieb auff jrdische
ding/Daher auch yr vrsprung ist/das yr doch der Brutigam
Christus verpotten hat. Psal. xlv. Höre tochter schaw darauf
vergiß deynes volcks/vñ deynes vatters haus/Doch wiewol
sie das nicht helt/sönder huret vnd hynlaufft/holet sie doch d
herr/vnd nimbt sie wider an/wie Hiere. am. iij. Bezeugt vñ
spricht. Es ist eyn sprichwort. Wenn ein man seyn weyß von
sich leß/vnd sie huret mit eynem andern/wirdt er sie auch wy
der annemen? Ist nit das selb weyß befleckt vñ geschmehet?
Aber du hast gehurt mit vil bulern/doch kom widder spriche
Der Herr/vnd ich wil dich annemen/Heb auff deyne augen/
vnd sihe

vnd sihe fur dich wo du dich nicht nider habst gelegt. Du
sahest am weg vnd wartest auff sie/ woye eyn rauber der in d
wüste lauret/ Vnnd hast die erden befleckt mit deyner hurerey
vnd mit deyner büberey/ Hast ein hurn stirn gehabt/ vnd dich
nicht wollen schemen. Doch heb noch an vnd spricht. Mein
vatter/ vnd gemahel meyner junckfrawschafft bist du / zürne
nicht ewigklich/ vnd verharre nicht bis an das end ic. Also
fordert er sie/ durch sein wort vnd bleybt mit seynem wort bey
yr/ in yres vatters haus. Das ist/ lest yr nicht höher ding predi
gen/ den sie begreyffen kan/ bis sie auff stehet/ vñ von dem yrdi
schen vatterland wider abtrit. Aber da hat sie sich zulang
verseumet/ sie solt von iugent auff Gottes wort alleyn gehört
vnd dem selbigen gehorsam gewest/ vnd also vom Götliche
samen fruchtbar worden seyn/ So hat sie gehuret/ vñ lang
verzogen/ das yhr der tag zu kurtz wirdt/ kan nicht mit yhm
heym komen/ sonder muß vnterwegen bleyben. Denn wie wol
sie gelernet hat/ das sie von yres vatters haus/ das ist auß dem
yrdischen sundigē leben/ hynweg gehen muß/ kan sie doch nit
erkeñen noch erreichen/ die gerechtigkeit des glaubens an das
wort Gottes/ welches über die maß eyn treffenlich hohe erkän
nus ist/ dahyn sie komen sol. Da fellet denn die nacht des vns
wissens daher/ vñ sie muß zu Gibeā über nacht bleiben. Gi
beā heist aber zu Teutsch ein hugel oder ein pübel/ vñ bedeut
eygentlich/ die gleyssenden menschliche gerechtigkeit/ die nichts
inwendig in glauben/ sonder außwendig in geperden/ vnter
schyed der namen / kleyder/ speyß/ tranck/ gezeyt/ stett/ schuhen/
kuttten/ blatten vnd gebetts stehet / wie der gantz geystlich ges
nant hauff/ leeren vnd anrichten. Sölche falsch/ gleyssende/
fleyschliche / vnd yrdische gerechtigkeit / nennet Esaias am.
.xl. Berg vnd hübel vnd spricht. Alle thal werden vñ alle berg
vnd hübel/ werden ernidigt werdñ. Also nach dem das arm
keßweyß von yhres vatters haus ist auß gangen/ vñ will
eyn new leben anfangen/ dñgt sie die nacht so die Sonn der
gerechtigkeit/ das ist das heylig wort Gottes geschwigen/ ver
porgen vñ vntergangen ist das sie muß zu Gibeā bleyben
Das ist/

Das ist in solchem falschen geystlichen leben ruhen/ vnd dye
selickeit darinn suchen/ Denn wer ist in viel hundert iaren ge
west/ der bessers het mögen lernen/ wenn er schon gern bessers
gethon het? Nun wer es eyn kleiner schad gewesen/ das sie gen
Sibea komen wer/ wenn sie nur bey yhren Leuten bleyben / vñ
die selben nacht geschlaffen het / bis der tag wider wer auff
gangen / Das wir auch in dise letzte zeyt / Darinn man eyttel
menschen trewm gelert hat / kommen seyn / het auch nit vyl
geschadet/ wenn wir nur des spruchs (wer glaubt vñ getauffte
wirdt/ der wirdt selig) vnd der gleichen vns getröstet/ vnd die
weyl Gutes wort geschwigen war/ wir auch geruhet / vñ
nichts neues/ aufferhalb/ vnd wider gottes wort angefangen
hetten/ so lang bis gottes wort wider offentlich an tag komen
vnd die Sonn der gerechtigkeit wider auffgangen wer. Vñ
es wer zwar auch also geschehen/ wenn nicht die bösen/ muts
willigen/ ungezognen/ gotlosen/ teufls kinder von Sibea/ die
kinder Belial das arm kebsweyb / mit gewalt auß dem hauff
genommen/ vnd zu solcher geystlicher hurerey genötigt hetten /
Wehr seyn aber dise Belial kinder? Es seyn eben dye/ von den
Christus sagt/ es werden falsche Christen/ vñ falsche Prophe
ten auffstehen/ vnd große zeychen vnd wunder thun/ das ver
füret werde (wo es möglich were) auch die aufferwelten/ sihe
ich hab euch vor gesagt/ vnd Paulus Rom. .xvi. Ich erman
euch lieben Brüder/ das yhr auff sehent/ auff die da zertrennüg
vnd ergernüs anrichten neben der leer die ihr gelernet habt/ vñ
weyche von den selben denn solche dyenen nicht dem herrn
Jesu Christo/ sonder yhrem Bauch/ vnd durch süsse vñ prech
tige wort verführen sie die vnschuldigen hertzen. Vnd. ij. Petri
.ij. Es werden vnter euch seyn falsche lerer/ die neben eynführen
veraerbliche secten/ vnd verleugnen den herrn/ der sie erkauft
hat/ vnd werden über sich selber führen eyn schnel verdammus
vnd viell werden nachvolgen yrem verderben durch welche
wirt der weg der warheyt verlestert werden/ vnd durch geytz
mit erdichten wortten/ werden sie an euch hantiren/ über wels
che das vrteyl von lang her nicht seumig ist/ vnd jr verdamm
nus schleffe

muß schleffe nicht/ Dise Belial kind/ habē ein grausam puchsen
vñ poldern/ das ist ein großmechtig geschrey angehebt vñ
grausame ding/ von irrigen geysten/ erdichten fegfwer/ vñ
mancherley erschrockenliche offenbarungen fürgeben/ der sie
doch keins ye verstandē noch gesehen haben/ vñ den darzu ge
logen/ wie auff ein tag viel tausent menschn̄ gestorben/ vñ nur
einer oder zween die auch münch gewest/ selig seind worden/
vñ wen die selben nicht ein solch streng lebē im Closter geführt
hätten werdē sie auch/ als sie sagen/ verdäp̄t wordē/ über das
alles/ habē sie den auch irrende polder geist/ in den heusern da
reich leut gestorben seyn/ angericht/ wie zu seyner zeyt offenbar
werdē muß/ vñ der gleichē viel/ wen den die leut seer erschrock
en sein/ vñ gefragt haben/ wie sie sich halten/ vñ ein recht leben
führen sollen/ haben sie die selben als bald in das Closter/ vñ in
die kuttē gewisen/ gantz nichts vom glauben an Christū ges
weist oder geleert/ sonder jr kuttē die andern tauff geheysen/
damit die ersten tauff verstoßen/ Christū sie erkauft hat ver
laugnet/ vñ eytel verderbliche secten vñ zertrennung angericht
das yzt einer S. Francisc⁹/ der ander S. Dominic⁹/ der dritte
S. Benedict⁹/ der vierd S. Augustin⁹ orden helt/ einer ist eyn
Karthuser/ der ander ein Teutscher herz/ der drit ein Carmelite
vñ wil yeder besser sein den d ander/ vñ mit gelübden vñ mē
schen werckē/ die seligkeit erlangen/ vñ so sie andere leut also le
ren/ darzu weysen/ reizen vñ treiben/ thun sie nichts anders/
den dz sie mit gewalt/ sie von got dem Herrn/ durch geystlich
hurerey abweychē benötigen vñ dringt/ Also haben die Belial
kinder durch dise weg/ dz arm keßweiblein herauf genötigt/
vñ vnter sich gepracht. Sie möcht nun yemant fragen/ Ist
den ihr man/ gespons vñ Leuit/ Christus der Herz bey ihr im
haus/ warüb last er jns nemē? Antwort/ das ist gottes heym
lich gericht das er sünd mit sünd strafft/ wie Paulus Rom. 1.
sagt. Darümb das sie Got erkent/ vñ nicht als got geert ha
ben/ hat er sie dahin geben in jrer hertzē lust/ In vnreinickē/
zu schenden jr eygne leib/ durch sich selbs/ Den ire weyber ha
ben verwandelt den natürlichē prauch in den vnnatürlichē.

B Auch die

Auch die man habē vlassen den natürliche prauch des weibs
ic. Vñ den lon jrs irthumbis durch sich selbs empfangē. Also
gehet es auch disem keßweib/ die weil sie jres Leuten getrew
herz erkent/vñ jm doch nicht glaubē hat gehalten/lest ers nun
auch faren vnd widersteet den Belial kinden/So ist es auch zu
vnsern zeitten mit der versführung zugangen/darumb (sprüche
Paul.) das sie die lieb der warheyt nicht haben auffgenommen
dz sie selig wurden. Darüb wirt in got senden kreffteige irthūß
das sie glauben der lügen. 2. Tessa. 2. Darzu sein die Belial kin
der so durstig vnd frech/ das sie nicht allein/dz keßweib/son
der auch dē Leutē (es ist grausam vñ erschrocklich) zu schen
den Begeren/vnd er muß schweigen/vnd verporgen bleiben.
Also ist es auch inn disen farlichen zeitten zugangen/da sie der
schwachen gewissen durch menschē gesetz mechtig sein wor
den. Wenn das lauter vñ rein wort gottes in widerstanden
wer/hette sie es auch gefelscht/vertilgt/vñ zur huren gemacht
zuuor dieweil so wenig gutter bücher/vnd noch viel roeniger
recht Christlich geleerter leut warn/ee den der truck zu letzt ers
funden wurt. Denn zur selben zeit wer es jnen ganz leichtlich
zuthun gewest/wie sie den dasselb zu letzt auch furnamē/denn
gemeinen man die teutschen Bibel vßbotten/vnd offentlich lief
sen hören/sie wolten das all vßpinnen werden. Des gleichen/
offentlich an Keyserliche Maie: die Hebreischen bücher/auch
zuuerbrennen begerten. Damit die rechtgeleerten/des lauter
grunds vñ vspriungs auch beraubt würden/Vnd so dasselb
wer geschehen/wer furwar die heylig geschiffte schon zur hū
ren gemacht vñ geschmecht gewest. Denn die alt verdolmetz
schung auß Hebreischer sprach ist nicht an allen orten lauter
vñ rein. Wie wir teglich ye lenger ye mehr erfahren/hat auch
durch das vnfließsyg abschreiben/in souil iaren nicht wenig
nachteils empfangen. Welchs der Papst selbs bekent. Darüb
auch verordnet/dz man im zweifel zu den Kriechischen vnd
Hebreische büchern lauffen sol. Es hilfft si auch nicht/dz sie
sagen man hab nicht die Bibel/sond ander Hebreische bücher
wollen vßpinnen. Den dte es furnamen/nicht so gelert waren/
das sie

dz sie ein Hebreische Bibel hetten mögen kenne/wil schwelgē/
dz sie solten vrteyln welche bucher böß od gut weren/dazn so
die andn bucher verprient weren/hettē wir die sprach nicht mer
konnen lernen. Vñ were also die Hebreisch Bibel auch nichts
mer nütz geweest. Vmb solche grosser vmesenheit wegen/hat
got sein wort verporgen/vñ in dasselbig zuschenden/nicht vr-
sach wöllen geben. Auff das ye fest bestünde/dz er gesprochen
hat. Es wirt kein buchstab vom geseg vfallen/biß alles erfüle
wirt. Hünel vñ erden werden zergeen/ Aber mein wort werdē
nicht zergeen. Wenn nun dises keßweiß irem man wer anges
hangen/das ist/das heilig lauter lebendig Gottes wort alleyn
in irem gewissen het lassen regiren/wer sie on zweyffel/enlich
dauon schwanger vñ fruchtbar vñ also auß einem keßweiß
eyn Feliche vñ herliche Königin worden. Denn Chistus das
wort des vatters ist der seel gemahel. Johā. iij. Vñ ist der saa-
men daruon sie schwanger wirt. Matth. 13. vnd Esa. 26. Er
ist auch die frucht die in jr geporē wirt. Gal. 4. Apoc. 12. Sie
wer auch mit ym ganz ein ding wordē. Den wer dem herin
anhangt/wirt ein geist mit yhm. 1. Cor. 6. Vnd wer von Got
dem vatter auch wie Chist^s selbs geliebt wordē. Wie er spriz
cht. Joh. 17. Vatter ich hab in deinen namen eröffnet/auff dz
dein lieb darmit du mich geliebt hast sey in yn/ vnd ich auch
in yn. Nun sie aber die Belial kinder mit gewalt von Gottes
wort/dem rechten gemahel abgerissen haben/muß sie mit ym
huren/ vnd fremde/das ist menschen leer in die schlaff kamer
irs gewissen einlassen. Welches vor got ein grausam vñ straff
lich Lebruch ist/Vñ da treibē den die verfürischen Belial kin-
der iren mutwillē mit ir die ganzen nacht/so lang die götlich
warheit vporgen ist/vñ beladen sie/mit eytel lauter menschen
gedicht vñ vnterschied der secten speiß/tranck/schuch/gurtel/
kleider/farben/kuttē/platten/reuchen/schweigen/neigen/Abblas
lichtlein/wallen/geloben/stiffien/malen/schnitzen/vñ wer kan
den mutwillen yrer geistlichen hurerey allen erzelen? da muß
das arm gewissen herhalten/vñ einem yeglichen gerecht sein/
was er erdicht hat/bey dem Ban vñ einer todsund an nemen

B ij dasselbig

das selb halten/vñ darmit huren. Vñ empfind doch kein trost
freud oder lust/sonder wirt nur schwach vnd krasselos/ den
was möcht ein sundig gewissen durch solche gotlose thorheit
getrost/befridet vnd gesterckt werden? Gottes wort vñ gnad
muß es allein thun? es ist sonst alles vloren vñ komen nimer
zu friden/sond tichten ye lenger ye mer/eins über das ander/
noch wirt dennoch ir gewissen nicht frey/sonder beleibt als
weg erschrocken vñ vnicher/zu letzt/die weil sie durch solche
ire gauckelwerck/nicht können zu fride komen/sahen sie an/vñ
wollen andere leut gerechtigkeit teilhafftig werden vñ erkauf
fen/da muß den dz zeitlich gut auch her haltē/da kaufft man
Abbas/bild/gemel/messgewand/vñ macht bruderschaft/stiffte
jartag/vñ huret also/für vnd für mit überschwencklich grossen
kosten/wie der herz Ezech. 16. ernstlich klaget vñ spricht/
Alle hurn empfangen lon. Aber du hast alle dein bulern lon ge
ben/vnd schenckung gethon/das sie zu dir eingiengen/vñ mit
dir hureten/vñ hast gethon wid ander weyßer gewonheit/an
deiner hurerey vnd nach dir wirt kein hurerei mer sein. Wo es
den also zu geet/da felt der glaub erstlich/darnach die lieb vñ
alle recht gute Christliche werck/bleiben vnter wegen Da dies
net man weder vater noch muter/weder schwestern noch br
dern/auch keinem andern armen Christen/sonder wartet nur
des eigen nutz/haben ein hand zum einnemen/die andern zum
Behalten/aber keine zum außgeben/samlen grosse schetz/kauff
fen den Fürsten land vñ leut ab vnd lassen in die Tittel/oder
kauffen ein Cardinal zu Rom/der in den viel freiheit vnd ab
las geb/damit man durch betrug/ein anders sameln mög/vñ
wirt darneben/der arm an leib vnd seel vergessen/so wil man
den wenen/das keßweiß schlaff im beschaulichem leben/dye
weil es kein bruderlich werck thut/Aber in d warheit/schlefft
es nicht/sond ist gestorben von der menig der grossen hurerey
den der gerecht lebt seyns glaubens/Wie können sie aber glaub
bē/die weil sie gottes wort verlassen/vnd eyttel menschen gez
schwertz angenommen haben? So nun Christus der recht Pries
ter vnd Leuit sein keßweiß tod findt/harwet er sie zu stücken
vnd schickt

vnd schickts in alle land/das man solches vbel straff vñ auß
eilgt/das geschicht/wen dises gottlosen wesens/eyn stück da/
das ander dort durch gottes wort offenbar wirt/den es kans
niemant auff ein mal gar sehen/es ist sein zuvil/vnd zu ersch
röckenlich. Ist aber nicht war? hat man nicht vor viel jaren
hin vnd wider stücks weiß gesehen/das münch vnd pfaffen
zuvil mit iren eygen funden/wid gottes wort sich vnderstans
den haben? hat man sie nicht zu offtermal ersucht/sie sollen
die herfur geben/die das keßweib mit hurerey getödet/das ist
die gewissen/mit menschen sayungen verstrickt/verfirt vnd
erwurgt haben. Auf das man sie auch töde/dz ist solche men
schen sayung mit yren erfindern/auß dem barmh vñ gedechte
nis vtilge/vnd das wort gottes an stat des selben wider auff
richte? Es habens aber die würdigen/geistlichen vnd heiligen
väter von Gibeā nicht wollen thun/sond zur wer gegreiffen
vnd die selbigen alten preuch sambt yren erfindern/versechten
vnd vtheidigen wollen/Vnd haben an sich gehenckt al ir nach
Barn/Sürsten Bischoff vnd hohe schulen/die schliessen sich
zu in hinein in die Stat Gibeā. Das ist/haltenn sich auch zu
diser fleischlichen falsch gleisenden gerechtigkeit/Vnd wollēs
helffen erreichen. Das sein die streitpam helden zu Gibeā/nemz
lich/der gwaltigsteil der welt/darzu habē sie noch zween ver
teil/Der erst/Sie haben sibenhundert außewelter helden/dye
das schwert des geists das wort gottes/in der lincken hand/
das ist in einem falschen verstand furen/vnd können mit der
schleuder ein har treffen. Das ist alles was sie nur wollē/kon
nen sie mit irer lincken hand widersechten odder verteydigen/
Vñ ist nichts so klar geredt/sie können ein glößlein finden/vñ
ein nasen dreen/vnd also mit der schleuder verwerffen. Der an
der vorteil ist/dz sie in der Stat verschlossen sein/wen sie wol
len/so fallen sie herauß/vnd fechten/wen sie nicht wollen/bley
ben sie darin verporgen vñ verschlossen/Das ist wen wir mit
gottes wort wyder sie zusechten anfahen/bedunckt sie/sie kön
nen vns mit rechter oder lincker hand/dz ist mit grund/oder
mit lügen überwinden/so fallen sie herauß vñ fechten mit vns
C bedunckt

Bedunckt sie aber es sey ümb sonst/so bleiben sie in ihrer Stat/
Das ist/sie lassen vns recht vñ sagen/Wir haltens auch also/
vñ haben nie anderst gelert vñ gethan/wen es gleich die öffen
lich vnwarheit ist/trösten sich/das yr Gibeā vñ Closter leben
werdeckte vnd vporgen/das ist/gantz verschlossen ist. Den sie
verpieten bey dem Ban/das man die heimlichkeit des Ordens
keynē Leyen eröffnen sol. Dargegen hat sich das gantz Israel
das ist/alle glaubige/auch zum streit geschickt/haben aber zu
worden mund Gottes/das ist sein heiligs wort/gefragt/ob sie
fechten/vnd solchen betrug antasten sollen/das ist/ob jr sach
gerecht sey/oder nicht. Vnd haben funden/das sie sollen fecha
ten/Aber die überwindung ward in nicht vgewist / den man
sol übel nicht gut lassen sein/es gee gleich darob wie Got wöl
le. Vñ ist also dises Gibeā/mit einem grossen Sturm/erstlich
Durch Johannsen Zussen/vnd ander mer zur selben zeit ange
griffen (Den vor im hat sich falsch gleissend leben niemande
öffenlich angriffen vñ widerfochten/sonder iederman durch
Betrüg fur heilig gehalten) Aber sie fielen herauß/vnd fachten
zu Costniz im Concilio/mit irem lincken schwert/das ist/mit
der schrifft/aber felschlich gedeutet vnd aufgelegt/wie das zu
seiner zeit kartzlich wirt jederman offenbar werden/vñ schlus
gen in/vnd behielten also den sieg / Es nümpe mich aber nice
wunder / Den ich vorzeiten in sechschulen auch wol gesehen
vñ erfahren hab/wie ferlich es ist/Wen ein rechter mit einē linea
ren muß fechten/den der streich gehet her an dem ort da man
nicht meinet/darzu vberlenge er in /so geets auch mit der sch
rifft zu/der recht verstand der heiligē schrifft ist einseitig. Aber
die falsch außlegung wol tausenfeltig/den rechten verstands
kan man wol vorbetrachten/aber den falschen nicht. Darum
wirt er vnuersehens von den widersachern herein gefurt/vnd
so man denn nicht vorhin drauff bedacht ist kan man nicht
bald antwortē. Darzu habē sie auch die leng des alten prau
chs/damit haben sie den gewunnē/es wert aber nicht lang. Als
so sein im ersten sturm viel von Israel erwürgt/das ist/von
dem lebendigē wort gottes abgefallen/vñ der von Gibeā hū
rerey ans

rerer angehangē. Was solt nun Israel anders thun/den wein
nen vñ klagen/Vñ des herin wort aber fragen/ob sie streyten
soltē/das ist/ob doch ye jr sach gerecht sey/od ob sie es nicht
recht verstanden hetten. Aber da ist guter bescheid in heyliger
schrifft sie sollē fechten/doch verheist er in den sig aber nicht.
Also haben sie den andern sturm in Concilio zu Basel/mit er
schrockem hertzen gethan/Da man nichts anders/den dz got
tes wort vnd ordnung/fur menschen sagung erhebt vnd ges
halten möchtē werdē/gesochten hat/sein aber auch nider ges
legen. Vnd von der selben zeit an / sein die heiligen vāter von
Gibea fast hochmütig / Aber Gottes volck ganz traurig ges
west haben geweint/gefasset/vnd gottes mund vñ wort aber
gefrage/ob sie doch weiter fechten/oder aber stil stehn solten.
Vnd ist da der entlich bescheid gefallen man sol fechten. Got
wol sie in vnser hend geben. Den es zeigt nicht allein die heilig
schrifft an/dz jr wesen vngötlich sey. Der halben en vnterlass
wider sie zusechten ist/sonder wir findē lauter vnd klar dz die
zeit von Daniel bestimbt ein end hat vnd das wesen fallen vñ
brechen muß. Darüb wollen wir ytz zween hauffen machē.
Der ein sol mit heiliger lauter götlicher schrifft in freyem felt/
wider euch/ewer menschen leer/vnd alte preuch ritterlich fech
ten. Der ander/sol verpoigen in der hinterhueligen. Vnd wenn
jr herauf fallt/vñ wolt aber mit der lincken hand/das ist/mie
falschen vñ stand der schrifft/wie jr vor gethan habe mit vns
fechten.sollen sie ewer Stat Gibea mit feur anzünden/das ist
ewer falsch gleiffende gerechtikeit/vnd vdeckte büberey offent
lich an tag geben/vnd durch Gottes wort anzeygen/das die
selb ewer falsch gerechtigkeit vor Got nichts/den ein greul/vñ
vor seinem feurigen eyfer nicht bestendig/sond wie Sodoma
vnd Gomorra vprennens wol würdig sey. Vñ wenn jr hinder
sich sehet/vnd den rauch erkennet/sol euch ewer hertz empfal
len/vnd ewer lincke handt schwach werden / Wenn so man
ewer vngötlich leben wirt erfarenn / wirdt man euch über dye
schrifft auch nymmer trawen/sonder fleysig nach suchen/
vnd den falsch / darmit yhr bissher vberwunden habe.

Cij find/als

habt/ finden/ als den wird ewer lincke hand keyn schaden mer
thun könnē. Zu diser hinterhut wollen wir außlesen alle dye
so ein zeit bey euch in ewer hurischen verführung gewesen/ die sel
ben wol erlernet/ aber durch Gottes wort wider erleuchtet vñ
heraus gefart sein. Vnd so sie ewer Stat angezündet/ vnd als
les was darin ist/ mit dem schwert erwürget/ das ist/ al ewer le
ben vnd thun/ als sträflich angezeigt/ eröffnet/ vñ mit der
schriffte überwunden haben/ Sollen sie den mit dem schwert
götlchs worts/ hinden in euch fallen/ vnd vns ewer mensche
leer/ satzung/ vnd trewm/ vollend helffen stürzen vnd aufstils
gen. Vornen wollen wir fechten/ ewer leer sey wyd der Gottes
wort/ hynden aber/ wen sie gleich götlich were/ wie yrs doch
nie gehalten/ sonder die leut mit gleissen vnd lügen nur betros
gen habt. Wollen euch also umbgeben/ zuschlagen/ vñ zerknis
schen/ das keiner auß disem streit sol überbleiben/ das ist etwas
gelten/ fur Got/ oder den menschen/ er fliehe den/ das ist er bes
ken den/ dz er geyrret hab/ vñ verperg sich in den fels Rimon/
das ist/ er ergebe sich den ganz in Christum vnd sein heyligs
wort/ d' allein der fels ist/ darauff wir gepawet sollen werden/
vnd nicht Dominic⁹ noch Francisc⁹. heyst auch billich der
fels Rimon/ das ist/ der hohe fels. Den so dise ewer hurerey eynt
end nimpt/ also das hernach kein hurerey mer sein wirdt/ vwe
oben angezeigt ist/ so wirt got der herr in selben tagen allein er
höhet werden/ Esa. 2. Wir wollen aber denselbigen flüchtigen
eben nach sehen/ vnd gar nichts trawen. sonder/ wen sie von
dem fels wolten abweichen/ vnd wid in die alten yrthüb treta
ten/ sol das schwert als bald wider auff irem hals sein/ vnd sy
als die feind wider angreifen. Sie müssen auch ein gute zeyt
in disem fels bleiben/ bis sie wol im glauben erstarken/ ee den
wir sie zu freunden wider anemen/ Den es ist eynem Mönch
nit gut zutrawen / ehr lest sein dück als vngern / als eyn alter
wolff. Also wirts ein end nemen mit den/ die menschen leer vñ
fechten. Das hab ich in wollen anzeigen/ Sie müssen wissen/
vnd sollen im doch nicht entrinnen. Darüb bit ich alle frome
Christliche hertzen/ die in Clostern sein/ od kinder darin haben
(Den ich)

Den ich zweifel nicht jr seyen viel/den noch zühelffen ist) sie
wollen herauß geen/od inen herauß helffen/auff das sie nicht
mit dem grossen Gotlosen hauffen verderben vnd zuscham-
den werden/Den es gehet daher / der streyt fahet sich an/wye
man das zum teil auch täglich sibet. Das den der Wolges-
boren Edel Herr Johannis/Herr zu Schwarzenberg/wol er
messen/ vnd derhalben sein Tochter auß solcher verführung/
samdt erlich andern/wider erledigt/vñ desselben/Christenliche
genugsame vrsach dem Bischoff zu Bamberg in ein send-
brieff angezeigt hat/welchen ich hiemit im truck laß außgeen
den fromen zu einem Exempel/dem sie nachfolgen/den lestes-
ren aber zunerstopffen ire meuler/das sie es nicht ands den
Christenlich gehandelt/auslegen/vnd verglimpffen mögen.
Der Frid Gottes sey mit euch allen. 2 17 2 17.

Wochwürdiger furst vñ her?

Erwer Fürstlich gnaden sein zuvor meyn vnterthenig willig
dienst. Gnediger Herr/Nach dem vor zweintzig jaren/meyn
ner jüngsten Tochter eyne/die der zeit zwischen dreyzehen vñ
vierzehen jaren ihres alters gewesen/on das ich sie darauff ges-
weist/vñ noch viel weniger darzu bedrängt/in ein jungfraw
closter begert/on zweifel keins andern willens/den das sie ver-
meynt. Got dem Allmechtigen darinnen gefelliger/weder ihm
Welichen stand (der jr sonst forstund) zudienen/vñ derhalb
das jungfraw Closter bey Erwert Fürstlichen gnaden Stad
Bamberg (zum Heiligen Grab genant) erwele. Vnd dieweyl
den der zeit der recht lautter ware grund Götlichs worts/so
lange zeit verdrückt gewesen/das ich den daneben eingefürten/
gleyffetten/Phariseischen scheyn/Closterlichs leben (wie söns-
ten damals viel leut) für Götlich gehalten/vñ mit anderst
gewist. Wo ich sie daran verhinderet/das ich damit wydder
Got/vnd der seelen heyl thette. Hab ich jr darzu geholffen vñ
sie mit ch bey vierhundert gülden/in solch closter zupringen ge-
standen/Wie dan gar selten eine on ein vergewist gelt in dies
C ij sem vñ

seyn vnd andern dergleichen Closter angenommen wirt) Es hat
sich auch die selbig mein Tochter in gemeltem closter verma-
ssen gehalten/dz sie volgendis Priorin erwelt wordē/wie ewern
Fürstlichen gnadē vnuerporgen ist. Aber vber etlich iar dara-
nach / dieweil ich noch zu Bamberg Hoffmeister was/ hab
ich der prediger munch halben (vnter der gehorsam dise arme
Closter junckfraw seyn müssen) etliche vngötliche ding erfas-
ren. vnd erfunden die ich ytz im besten zu melden/vnterlasse
des dan. L. S. negster vorsarn Bischoff Georg/ seliger vñ
löblicher gedechtnus/ als ein fromer Chrustenlicher Fürst/ mit
wenig mißfallens gehabt/ vnd derhalb schriftlich vnd münd-
lich/ mit den munchen gehandelt/ d̄ gleichen ich auch gethon
Aber bey inen verächtlich vñ vnfürttreglich gewest/ wie zum
teil/ etlich der alten geheymen Reche/ so noch bey L. S. gnaden
sind/ auch etlich erbar Burger in der stat/ wissen mögen/ Dar-
umb ich seit der zeit/ stetliche ansechtung gehabt/ das mein vñ
ander vnschuldige Töchter / vnter solchen der munchen vñ
götlichem Tirānischem gewalt sein sollen vnd doch in zwey-
fel gestanden/ wie solchs in Besserung wenden könnte/ Bis ytz
Goe der herr/ das liecht seins götliche worts/ vns armen Chri-
sten menschen/ so gnediglich helle vñnd klare/ widerüb herfur
scheinen lest/ vnd mir die selbig mein Tochter geklage/ das ye
vnd iren Conuent schwestern/ durch die gedachten munch dz
rein lauter/ ewig/ vñ vnüberwintlich/ wort gots/ dadurch woz
allein selig werden mögen/ zu lesen vnd zu hōrn versperret/ vñ
anderst nit/ den allein mit iren ein gemischten verkerten vñ ver-
fürlichen menschen gesezen/ zu hōrn/ vnd lesen zugelassen/ vñ
das sie in etlichen Euāgelischen Buchern (die ich yr in solche
hellische gefengkn̄/ vñnd behaltūg willen irer seelen/ geschickt)
sonit offentlichs grunds erfunden/ das nit allein sie/ zu vieler-
ley in götlicher schrifft v̄worffen/ vñ zum teil götlichen offen-
liche gepoten/ widerwertigen mensche gesezen (als sölten die
zur seligkeit not sein) von den munchē bedrängt worden seyn
sond dz sie/ als Priorin/ andie Cōuent schwestern/ auch darzu
hab haltē vñ nöten/ vñ also durch der munch Tirāney offen-
lich wider

lich wider got/ vnd sein ewigs seligmachendes wort/ (dartzu
oder danon nichts gethon werden sol) teglich vnd stetlich/ zu
verdammung yrer seelen/ handeln müssen/ Vñ wiewol sie auß
dem / das sie gewist das sie solchen Closterlichen standt / om
mein verursachung/ angenomē/ bey mir umb erledigung dess
selben / nit begern dorffen / So ich aber souil grundts erfarn/
vnd gewist/ das die selbig mein Tochter/ durch die Mönch/
vnd yhre regel/ dahin benötigt vnd betrange/ das sie nit Got
vnserm schöpffer vnd erlöser / sonder dem Baal hat deinen
müssen/ vnd da bey bedacht/ weß ich nit allein auß naturliche
er vetterlicher / sonder viel meher Christenlicher lieb/ vor Got
schuldig/ vnd verpflichtet bin/ Auch souiel wissens gehabe/ wo
ich gleich solchs. E. S. gnaden (als yrem ordenlichem Bisch
off) claget das die münch in disen fellen/ umb E. S. gnad/ als
wenig/ als umb Euer gnaden vorfarn (bey dem ich dergleich
en wol geschehen) geben wurden. Bin ich verursacht vnd be
wege wordn/ vnanzesehen das ich wol achten kan/ wie etlich
auß Godelosheit (die ich nit hoch wege) Aber da bey auch ans
dere auß dem/ das sie noch durch das öffentlich wort gottes
nit erleucht/ nit vnnd meiner Tochter/ solch zum ergsten auß
lezen werden. Vnd das es mir/ in mer den einen weg/ viel zeyt
lichs schadens/ geperen mag/ jr selbs souil anzeygt. Wo sie all
ein umb Götlichs loßs/ vnd yrer seeln seligkeit willen/ von dy
sem tyrannischen stand/ der münch erledigung begere/ Wols
ich jr als v vatter/ darzu helfen / dz sie nach vilerley sorgtiger
Bewegüg (die vō einē weibs bild selzam zuhörē) beschlisslich
der massen angenommen. Das sie Gott mer/ weder die mensch
en/ vnd alle zeitliche anfechtung/ die sie der halb zugewartten
nit vergessen/ gehorsam sein wolle. Darauff ich sie im namen
des Almechtigen Gots/ durch eine yhre leiblichen Schwester/
mit etlichen andn/ die ich zuuerordnet/ auß angezeygter Tiran
nischen teuflischen Mönchischen gefencknis hab holen vn
füren lassen. Byß ich sie nach dem willen Gots/ weytter ver
sorgen möge. Vñ nach dem dann/ das gemelt Closter. E.
Fürstlich Gnaden .ac. verwand ist/ zeyg ich das/ den selben
swun gnaden/ ganz vntherthener meynung an. **Damis**

Damit ewr gnad nit gedechten/das es anderer gestalt/vn̄ ärz
ger meinung bescheen were. Der hoffnüg. E. S. gnad/als eyn
Christenlicher furst vnd Bischoff/werden des meinent halbē
keyn vngesfallen/oder vngnad empfaben. Das wil ich umb:
E. S. gnad vntertheniglich verdienen.

Datum Sambstag nach Martini. Anno. M. D. XX iiii.

Johannes her zu
Schwarzenberg.


Dem Hochwürdigē Fursten vn̄
herin/herin Weyganden Bischs
offen zu Bamberg meinem
gnedigen Herrn.

753947

(X 2000 164)

Fl. 997

132.



UR
VER
D
WAP
DE

1530
1552
1244
1523

15





7.

**Eynn Schoner Sendthrieff
des wolgebornen und Edlen**

herm Johanssen/Herrn zu Schwarzenberg / An Bischoff
zu Bamberg außgangen / Darinn er trefflicher vnd
Christenliche vsachen anzeyht/woye vnd warumb
ehr seyn Tochter auß dem Closter daselbst
(zum Heyligen Grab genant) hin
weg gefürt / Vñ wider vnter
sein vatterlichen schutz
vnd oberhande
zu sich genomen hab.

**Ein vorred darin die Munch
vhes zukunfftigen un-
tergangs erinnert, vnd erstlich ges
warnet werden.**

**Andreas Siander.
Rucenberg.**

Anno. M. D. XX iiii.

